



GETHSEMANI RÂWL

(Monthly Prayer Bulletin of Hmar Christian Fellowship Delhi)

Volume No. II | Issue No. 6 | Thlado (June), 2024

'lenga khawm lunginzîng naw ro, iengkimah ãawngtai le hniin, lawmthu hril sa peiin, in dithai chu Pathien kuomah inhriettirin um lem raw se' (Filippi 4:6)

Misawnari hmingthang David Livingstone chu hieng hin Pathien kuomah a ãawngtai, "I mi'n tlawnpui ding a ni phawt chun ieng hmuna khawm mi tir rawh. leng ang phurrik ka chungah i'n nghtat la khawm min tuor fan fan tir rawh. I rawngbawlina le I lungrilin an mi khuopna ti naw thil dang a mi khuoptu po po chu suktan vawng rawh." May, 1873 khan David Livingstone chu a zâlina khum sîrah dingthathuona ãawngtai zing puma thi ni'n an hril. Evangelist John Wesley chu nitin dârkâr 4 a ãawngtai hlaka a hung upa't hnung lem chun dârkâr 8 a ãawngtai hlak. Martin Lutherin "Thaw ding ka hau êm leiin ãawngtaina hunin dârkâr thum hang hmang hmasa phawt ka tih", a lo tih. leng hun le hmuna khawm thahnemngaitaka, Pathien dîtâna, ãawngtai thei zing dingin Lalpa'n a nauhai mal mi sâwm thar seng raw se.

Lawmthu hrilna

• ãawngtai, thilpêk le thaaw rawngbawlina hun tha pèkin ei um.
• Ei rawngbawlina Lalpa'n malsawmin, ringthar pèk belsain ei um pei.
• HSA Jt. Hqtrs. Delhi thuoituhaiin HSA Inkhâwmpui Lien Parbungah hang hmang zoin, Delhi damtakin an hungchuongkainâwk.
• PPF Delhi-in Manipur-ah "Unity in Christ" ti thupuiin rawngbawlina thatakin an hang nei zo thei.

Damnawhai ta din

1. Cancer-a damnawhai-Nk. Elish Vanrammawi, Pi Lallawmsang, Pi Rebecca Buhiril, Pi Jenny le Pu Sieka Singson 2. Pu Thangsang Varte, pângngaia a lăwn theina din 3. Pu Lalsiemlien Khawbung, a hrât peina din 4. Pu Lalremsung Infimate, chuop tieng harsatna nei 5. Pu Doa, AIIMS-a inenkawl mēk 6. Nk. Lalmalsawm, tha tienga harsatna nei 7. Pi Rody Khawlum, liver transplant thaw zo le Pu Lalngilnei Khawbung, a donor 8. Pu Zosangpui, mit tieng inenkawl le cornea transplant hmabâk 9. Pi Lalremsang, lungphu le medicine doctor pana inenkawl 10. Pi Lalmuonkim, lu le âwm tieng inenkawl mēk 11. Pi Lalneikim Inbuon, chuop tienga harsatna leia AIIMS a inenkawl 12. Pi Esther Amaw, a kala lung um ât ding

01.06.2024 (Inrinni)

• Tuolsung-Ei khawtlānga inçhūklai le sinzawng hai ta din: I. Pāwl-12 pasi haiin college admission thataka an thaw fel seng theina din II. Tuta thla sūnga competitive exam. ding hai po po thataka an inpuocha seng theina ding le an hlawtlingna din III. Vawisūna HSA Jt. Hqtrs. Delhi OBs-hai tadinga "Leadership Training" Prawkram hlawtling taka hmang a ni theina din
• Ramsung-Vawisūn hin India ram Inthlangpui Thāwk-7-na buoina um loa, zalēn le thiengintho taka nei a ni theina din.

02.06.2024 (Pathienni)

• Chawibiek Inkhāwm (Thalai Sunday Prawkram): Thuoitu: Tv. John Laltnsuok Infimate, Tantu: Pi Lalnunmawi Changsan, Thuhriltu: Dr. L. Robert Varte, Pastoral Prayer: Pastor Lalthlanglien Sungte
• "Unity in Christ" ti thupua PPF Delhi-in Manipura rawngbawlina an neinaa thang ve ei pastor hai Lalditsak Inbuon le Lalsiesang Zote haiin Pherzawl District sūnga khuo thenkhat an sir ding- rawngbawlina hlāwktaka an nei theina din.

03.06.2024 (Thawtanni)

• Shikohabad, UP Mission field: I. Evan. Paozaman hai nupa le Evan. Pramod Kumar hai sūngkuo'n taksa le thlarauah Pathien sukratna an dawng thar zingna din II. Thalai Inkhāwm le Zirtāwpni Bunghei ãawngtai Prawkram hai Lalpa'n mal a sâwm peina din III. Ms. Kajal, phingpui na le thisen tlawm-a thil fāk le damdawaih fethlenga Lalpa'n a sukdamna ding le Tv. Arpit, hringawl invawi, khawm a dam ngēina din.

04.06.2024 (Thawleni)

• Chanchintha hrila ei rawngbawlina hin hratlema hma ei pan pei theina din: I. HCFD misawnari/pastor, mission field a rawngbawltuhai, Chanchintha hrilna hmangruoa Lalpa'n

nasa lema a hmang peina din II. Mission filed-a ringtharhai ringnaa le Pathien Thutakah an inthanglien peina ding le nghtetaka an ngir tlatna din III. April 24, 2024 a nthawk khan kohran memberhai fethlengin Farrukhabad le a sevela rawngbawlina ding kawt Lalpa'n a mi hawng pēka, thei ang angin bawzui zing a nih. Kohran memberhai fethlenga mi thar iemanizathai kuoma Chanchintha hril mēkna khuo/vēngbuk pasari ei neia. Hieng khuo/vēngbuk hai a nthawka ringthar, baptisma chang nuoma hming pe mi 29 lai an um taa. Hun remchāng hmasatakah baptisma prawkram nei dingin riruong a na, Thlarau malsawmna leh baptisma prawkram hi thataka nei a ni theina din.

05.06.2024 (Nilaini)

• June 16-a Upa inthlangna um ding: I. Hlawtlingtaka nei a ni theina din II. Thlangtu ding mipuihai khawma Pathien rawn zing puma, Pathien dîtâna inthlang ei hmasuon seng theina din.
• Manipur buoina: I. Tlāngmihai lai inremna le inpumkhatna a um theina din I. Ram thuoituhai ta din (Thuvahai 28:2). An lungriah Lalpa'n sin a thawa, buoina hi chingfel a hung ni vat theina din

06.06.2024 (Ningani)

• HCFD Ningani Zan ãawngtai Inkhāwm: I. Thuoitu: Tv. Fimruolsung Infimate, Thuhriltu: Nk. Lalnunthieng
• India rama hin Chanchintha hratlema a'n darzau peina ding le misawnarihai ta din: India ram hmun/state thenkhat kristienhai chunga tharum insuona le thawluina a tlung inzing hle. April 7, 2024 khan Charkhidadri, Haryana-a Pastor Jagdish chu inkhāwm huohawt ta ngai lo dinga vau le inthithe a ni a, chun Farrukhabad, UP-a Pastor Prasad khawm sakhuo inletna thil le inzawma indiklo taka intumin, ringnawtu thenkhatin kut an thlāk khum.

07.06.2024 (Zirtāwpni)

• HCFD Vēngbuk Inkhāwmhai ta din: I. Bible Study Lesson 6 (Daniel 6:1-28) enlāwkna le vēngbuk inkhāwm hlāwktaka ei hmang seng theina din II. Vēngbuk thuoituhai po poin taksa le thlarauah Pathien malsawmna an dawng thar peina din
• Ramsung: I. Cyclone Remal leia siettuokhai po poin nunphung pāngngai an hung nei nāwk vat theina din II. India Dānpui humhal a ni tlat theina din

08.06.2024 (Inrinni)

• HCFD Nuhmei Dep't. ta din: I. 2nd Saturday Inkhāwm Prawkram: Thuoitu-Pi Siempui Manaloor, Tantu: Pi Zairemmawi, Sharing: Pi Florence Laldinmawi II. Nuhmei Pāwl vēngbuk ãawngtaina a hrât pei theina ding le nuhmei inkhāwm an pung pei theina din III. Nuhai po po ta din (Thuvahai 31:10-31)

09.06.2024 (Pathienni)

• Chawibiek Inkhāwm (SS Lesson 6, Daniel 6:1-28) Thuoitu: Pastor Steven L. Infimate, Tantu: Pi Zeneth Lalhlmpui, Pastoral Prayer: Pastor Steven L. Infimate
• HCFD member-hai lai siemtharna/hartharna a tlung pei theina din (Sam 85:6)

10.06.2024 (Thawtanni)

• Shikohabad, UP Mission Field: I. Naupanghai lai rawngbawlina (Tuition le Sande Sikul) Lalpa'n mal a sâwm peina din II. Music class la nuom thalai an pung peina din III. Bible tiem thei Kohran member an pung pei theina din

11.06.2024 (Thawleni)

• Hari Vihar rawngbawlina centre-ah sūngkuoa ringtu an hung um pei theina din
• Ei Bible student Pu Lalngilnei Khawbung le Tv. Vijay ha'n 2nd Year Final Semester exam. zo theiin an um. Result tha an nei ve vena din.
• Uganda rama pastor le evangelist hai ta din

Pathien vêngimna: May 16, 2024 khan sakhuona invêthil mi thenkhatin Iganga, Uganda-a, evangelist pahni sawisakin, kut an thlâk khum hrep. **12.06.2024 (Nilaini)**

•India rama kristien-based NGOs-hai (IEM, EFI le dang dang) Chanchintha hriina kawt zalen hawngpêka an um pei theina ding le an rawng-bawlna sukhata a um pei theina din.

•Pakistan rama kristienhai ta din Pathien vêngimna: May 25, 2024 khan Lahore-ah kristien pakhat chu khaidiet a khuop le nataka vuok a nih. Pakistan rama hin kristien sakhuona hrattlema a'n darzau pei theina din.

13.06.2024 (Ningani)

•HCFD Ningani Zan Tawngtai Inkhâwm:Thuoitu-Upa (Dr.) Lalsiemlien Pulamte, Thuhrlitu-Nk. Mary Jones Buongpui

•Indonesia rama kristienhai an ringna huosen taka an fepui ngam peina din: May 8, 2024 khan Java Saktieng biela Betiting khuoa kristien sùngkuo khat chu inkhâwm an nei lai sakhuona invêthil mi thenkhatin an chawkbui.

14.06.2024 (Zirtâwpni)

•Bethany Convent sikul: I. Zirtirtuhaiin taksa le thlarauah Pathien thuoina an dawng thar pei theina ding le zirtirthiemna tha pêka an um peina din II. Naupanghaiin Pathien vêngimna an dawngna ding le Chanchintha thlaichi tua umhai Lalpa'n a sukhing ngêina din III. A sir-le-vêla ringnawtuhaiin kristien sakhuonaah beiseina an neiphana le Pathien hring an hung hriet theina hmangruo a ni pei theina din

15.06.2024 (Inrinni)

•Vawisûna HCFD Vêngbuk Inkhâwmhai Prawkram thenkhat hlawtingtaka hman anni theina din-I. West Delhi Vêngbukin RK Puram-Moti Bagh Vêngbuk kanna Prawkram: Thuoitu: Pu Nehemiah D. Ruolngul, Tantu: Nk. Zilla Khawbung, Thuhrlitu: Pu Immanuel Khawbung II. MVHI Naupang One-Day Fellowship: Hun khatna (Sandamna)-Thuoitu: Evan. (Upa) G. K. Thanga Thiek, Hun hnina (Tawngtaina)-Thuoitu: Nk. Esther Lalditsak Buhil.

16.06.2024 (Pathienni)

•HCFD Kohran Upa Inthlang-Presiding Officer: Upa (Dr.) Lalsiemlien Pulamte, Hun Hawng Tawngtai: Pastor Lalditsak Inbuon, Mission Report: Pi Grace Khawbung & Evan. Vanlaltlan Amaw, Pastoral Prayer: Pastor Steven L. Infimate

•HCFD DoM&YA Inkhâwm Prawkram:Thuoitu: Tv. Stephen Khawbung, Tantu: Nk. Emmanuel Lalsanhim Keivom, Thuhrlitu: Tv. Joshua Shakum

•Ei members iemanizât vawisûna UPSC Civil Services (Prelims.) Exam. dinghai ta din

17.06.2024 (Thawtanni)

•Suolthupachawina (1 John 1:9-10) le Pathien kuoma inhlanthama (Rom 12:1-2)

•India ram hmun thenkhata kristienhai, dodâlna le suknawmnatna kârah seltak le huoisentaka, ringnaa an ngîr tlat theina din: April 4, 2024 khan Bastar, Chhattisgarh-a kristien sùngkuo khat chu ringnawtu thenkhatin uolau taka sawisakin, an in khawm an suksiet pêk vawng; April, 9 2024 khan Bastar-a kristien thenkhat

chu thawluina hmanga an sakhuona ngai (Hindu sakhuo) bawka inletkîr tir nâwk an nih.

18.06.2024 (Thawleni)

•HCFD Vêngbûk Inkhâwmhai ta din: I. Thuoitu-haiin Pathien thuoina, sukhâtna le thawpuina an dawng peina din II. Hratlema Pathien thutaka inthanglienna le tha le thilpeka Pathien rama rawngbâwl theina.

•Nk. Ruth Zothahnieng Sinate-in a enkawl Parvah Tuition Centre-a naupanghaiin Pathien hmangaina indiktaka an hriet chieng pei theina ding le taksa le lungril hrisêlna le inthanglienna tha an nei pei theina din.

19.06.2024 (Nilaini)

•Shikohabad, UP Mission field: I. Ei biekin Lalpa'n a mi vêngim pêk zingna ding le tui (water connection) a um vatna din. II. Kohranhaiin hrattaka puitling tieng an pan peina din III. Kohrana ringtharhaiin Thlarau Thienghlim keihruoina changa, sùng-le-kuo hai sawisêlna hnuaiah khawm an ringna an chel tlat theina din IV. Biekin chungah room bâwl sa a nih a, tha taka bawl zo a ni vat theina din.

20.06.2024 (Ningani)

•HCFD Ningani Zan Tawngtai Inkhâwm:Thuoitu:Pu Darsuothang Khawbung, Thuhrlitu: Pu Jacob Shakum

•Manipur buoina: I. Hmalatu bîk (ITAC, Zo United, ITLF, MTFD le dang dang) thuoituhai ta din Pathien a'nthawka varna, remhrietna tha le rorêlthiemna II. Râlhmatawnga um pasalthahai ta din Pathien vêngimna III. Chingfel a ni vat theina ding le remna le muongna a hung um theina din

21.06.2024 (Zirtâwpni)

•DHWA thuoituhai Pathien a'nthawka varna, remhrietna tha le rorêlthiemnaa inthumthar an ni pei theina din (Jakob 1:5; 2 Kronikul:1:11-12)

•Rampuo: I. Ukraine-Russia indo; Israel-Hamas/Iran (Middle East) buoina; South China Sea le India-Pakistan ramri buoina hai hih palai-thiemna (diplomacy) hmanga chingfel an hung ni theina din II. Myanmar ramah mipui insawrkârna a ngîr nâwk theina din III. June 13, 2024 khan Mangaf khawpui, Kuwait-a, building pakhat mei suok leia thi le hliemhai lai India mi tamtak an thang ve. India mi 40 nêka tam thi le mi 50 lai hliemhai an sùng-le-kuohai ta din.

22.06.2024 (Inrinni)

•HSA Jt. Hqtrs. Delhi- I. Thuoitu-haiin Pathien thuoina le thawpuina an dawng thar peina din II. Inchûklaihaiin varna, lekha hriettheina, tumruna le taimâkna nasa lema an nei theina ding dâmin III. Competitive exam. ah mi hlawting an hung pung peina din

23.06.2024 (Pathienni)

•Chaiwbiek Inkhâwm-Thuoitu: Pu Vanlalthang Inbuon, Tantu: Nk. Lois Lalrempui Pakhuongte, Thuhrlitu: Upa (Dr.) Lalsiemlien Pulamte, Pastoral Prayer: Upa (Dr.) Lalsiemlien Pulamte

•Thlarau le thutaka Pathien ei chawibiek seng theina ding (John 4:23-24) le ei takساهi khawm Pathien chawimawina dinga ei inhlan thar seng theina din (1 Korinth 6:19-20)

24.06.2024 (Thawtanni)

•HCFD Naupang Sande Sikul: I. Zirtirtuhai-

in Pathien thuoina, sukhâtna, thawpuina le zirtirthiemna tha an dawng thar peina din II. Naupanghaiin taksa le lungrilah inthanglienna thatak an dawng peina din III. Pathien thutak le thlarauah naupanghai an inthanglien peina din

25.06.2024 (Thawleni)

•HCFD Executive Committee memberhai varna le rorêlthiemnaa inthumthar anni pei theina din (Jakob 1:5; 2 Kronikul: 1:11-12)

•India ram hmun thenkhata hnawchêpna hmasuon kristienhai ta din (Jakob 1:12): I. Madhya Pradesh-April 7, 2024 khan Indore-ah kristienhai inkhâwmlai sakhuona invêthil mi thenkhatin dodâlin, an chawkbui II. Chhattisgarh-May 5, 2024 khan kristien pakhat, a hming Kosa, chu kristien sakhuona a pawm leiin chemtea sunhlum a nih III. Haryana-May 24, 2024 khan Karnal-a kristien sùngkuohai chu khawtlângin an ensan/tuitlâr.

26.06.2024 (Nilaini)

•India ram hmun thenkhata pastor, nêkchêpa hmasuonhai, ta din (2 Thesalonika 3:1-2): I. Haryana-May 12, 2024 khan Bahadurgarh-ah Pastor Joel rawia an inkhâwm lai chu mi thenkhatin an chawkbui II. Uttar Pradesh-May 5, 2024 khan Pastor Ranji Lal chu Kaushambi-ah sakhuo inletna thil le inzawma indiklotaka intum le hêkin a um.

27.06.2024 (Ningani)

•HCFD Ningani Zan Tawngtai Inkhâwm: Thuoitu: Tv. Thangliensang Zote, Thuhrlitu: Pu Jacob Changsan

•HCFD-in IEM-a misawnari ei support Rev. Suraj Majhi le a sùnghai ((Bathinda Mission Field, Punjab a rawngbâwl)) ta din. An nauhai Mr. Samarth le Mr. Samarpan haiin an lekha inchûkna thataka an thaw pei theina din.

28.06.2024 (Zirtâwpni)

•HCFD DoM&YA- I. Thuoituhai ta din Pathien thuoina, sukhâtna le thawpuina II. Thalaihai lai Pathien thutaka dangchârna le inthanglienna nasa lema a um pei theina din III. Thalaihai po poin an vânglai hunhaih Pathien hrezing a, lampui thalo/indiklo lakah an fihlîm tlat theina din IV. Thalai rawngbâwlina bîkhai- Missionary Fund/Support, Ushering le dang dang-hrattaka a fe pei theina din.

29.06.2024 (Inrinni)

•Hmar hnam ta din: I. Hmarbiel & Vangaitlâng (Manipur)-Mizoram infepawna lampui tha a hung um vat theina din II. Inchûkna le fâk-le-dâwn thilah hrattlema hmasawna III. Inruithei ngawlvawinaa (drug addiction/abuse) intâng abiktakin thalai tamtak hai chu inruithei a'nthawka an hung zalên theina din IV. Hnam thuoituhai ta din V. Pherzawl Dist. humhal a ni tlat theina din

30.06.2024 (Pathienni)

•SS Lesson 7 (Daniel 7:1-28)-Thuoitu:Pastor Lalditsak Inbuon, Tantu: Pi Thapui, Pastoral Prayer: Pastor Lalditsak Inbuon

•All India HCFs: I. An pastor/rawngbawltuhai ta din II. Chanchintha puongdarna sinah hrattlema hma an pan seng theina din.

Please visit HCFD official website:
<https://hcfid.in/>